

# **I**r Ferdinand von Hot-

tes genaden Römischer/zü Hungern vñ Behaim ꝛc.  
 König/Infant in Hispanien/Erzherzog zü Osterreich/  
 Herzog zü Burgundi/Steyr/Kherndten/Crain/vnd Wir-  
 temberg ꝛc. Graue zü Tyrol ꝛc. Bekheßen/das Wir Hansen Sing-  
 grüener vnserm Burger/vnnd Puechdruckher zü Wienn/auff sein  
 vnnderthenig pitten/vnnd anlangen/aus sonndern gnaden/ Dife  
 gnad gethan/das ime dife Landtgerichts Ordnung/vnd was Er  
 hinfür weiter für Ordnungen/so hienor in vnsern Nideröster-  
 reichischen Fürstenthumben vnnd Landden/aufgericht sein/oder  
 noch aufgericht werden möchten/mit vnserm oder vnserer Nider-  
 Osterreichischen Regierung zuegeben drucken würdet/Niemandt  
 nachdruckhen/oder wo die annderer orten vnd außser gemelter vn-  
 serer Landdenachgedruckt wurden/Die selben thains wegs in die  
 bemelten vnser Niderösterreichischen Landden/vnd fürstenthumb  
 bringē/führen/noch darñen verkauffen sollen noch mögen/ wissen-  
 lich mit difem Brieffe. Vnd gepietten darauf/n/Allen vnd jeden  
 vnsern Vnnderthanen Geyslichen vnd Weltlichen / was Wirdē  
 Stannnds oder wesens die in den obbemelten vnsern Nideröster-  
 reichischen Landden sein/Vnd fürnemblichen vnsern nachgesetzte  
 Obriktaiten/mit Ernst vnd wellen/das Ir obgenantē Singgrüer  
 ner bey diser vnser Gnad vnnd Privilegi vnberüebt beleibē lasset/  
 hanndthabet/darwider nit thnet/noch dasselb andern zuthuen ge-  
 stattet/Bey vermeydung vnserer vngnad vnd Straff/Das mainen  
 wir Ernstlich/Mit vñthundt ditz Brieffs. Gebē in vnser Stat  
 Wienn den zwelfften tag Januarij/nach Cristli geburt/Fünffzehen-  
 hundert/vnd im Vierzigisten/Vnserer Reiche des Römischen im  
 Zehenden/vnnd der anndern im Vierzehenden Jaren.

Cōmissio Domini  
 Regis in Consilio

1870